

SCHNAPPLÜFTLI

E Infobleddli fir unseri Gönner

Uusgoob 2/03



- Rügblig Faasnacht 2003
- Bummer
- Diverses

Erschynigswyys: 2 x pro Joor
Uflaag: 150 Exemplaar
Gstaltig und
Redagtion Roger Müller
Adrässe: Roger Müller
Birsquai 9
4127 Birsfelden
oder clauro@freesurf.ch

Drugg: Xerox Docu Color
Marcel Portmann

Helge uf dr Titelsytte:
Dr Rhyy mit Bligg ufs Glaibasel
Kynschtler: ?

Liebi Gönnerin und Gönner.

**Dr Pascal het an dr letschte GV
si vorläufige Uustritt als
Aggtive vo de Luftschnapperli
bekannt gää. Do sini aigene
Wort zu däm Entscheid:**

Syt ca. 2 Joor spyyt ych mit-em Gedangge e Fasnachtspause yyzlegge. D'Grynd sin sehr vuyfältig, aber alli nur persenliger Natur und mit dr Zyt gwaggse; ych will au kaim z'noch träte, denn unterem Strich sin d'Luftschnapperli e glatte Huffe und mir hän no immer e tolli Fasnacht derfe mitenander verbringe.

Syt 18 Joor bi ych jetzt agtiv bi de Luftschnapperli; ha bis uf zwai Fasnacht immer mitmacht, ha mängs Ämtli ybertrait bekoh und mäng glatti Momänt erläbt, aber fir mi Empfinde wird alles zer Gwohnheit, so regel-mässig.

Mi Ystellig zer Fasnacht duet sich halt gegeyber anderne e bitzeli unterscheid. E paar Bispyy: Ych bruch kai Cortege - me kha au erscht am viere am Nomidaag aafu und derfir z'Obe e bitzeli länger mache; ych bruch au nyt jedes Joor e neys Sujet mit neye Goschdym und wenn's amene Örtli glatt isch, denn kame doch au sitzeblyybe....! Es git no mängi Klainigkeite wo mi persenlig halt als wie meh afo stere hän.

E paar Missverständnis, bestügg mit e paar Diskussione während dr Vorfasnacht hän mir de wirklich nyt aifachi Entscheid dene e weneli lychter gmacht.

So, nachdäm ych do jetzt ainiges loosworde bi, mecht ych nyt aifach sage



«nieme Luftschnapperli» sondern ganz aifach e Pause vo unbestimmter Zyt yylege und d'Fasnacht als "Tourist" gniesse.

Fir d' Kenntnisnahm dangg ych und mechts au nyt unterloh, de Luftschnapperli fir die herrlige Fasnachtsdääg, die diverse Aaläs etc. z'dangge. Ych ha vuyt gfreuts derfe mitmache und ha d'Fasnacht erscht durch d'Luftschnapperli so richtig kenne glehrt.

Pascal Eigenmann



D Faanacht 2003 isch scho lang umme. Was aber mit Sicherheit in Erinnerung wird bliibe, isch die Wermi vom Mändig: yber 25 Grad hänn so mänge Faasnächtler an d Gränze vom Machbare triibe. Bi soo ungewoonte Temperaturuure, no schleppe, drummle-und pfyffe und das untere Larve und mit meischt eme digge Goschdymstoff umme Buuch, isch fascht e Folter gsii. Aber doch no lieber esoo, als wenn's ständig grägnert hätti.



Bis zem erschte Halt am uf dr Mändigs-Route (ab Tinquely-Brunne) bis an Wettstaiplatz sin mir fascht k.o. gsi! Hejo, so Eskimos sins halt nit gweent bi sonere Hitz ummezlaufe!
Vor allem dr Mull het sich mit sim Gstellasch uf em Rugg e bitz viil zuegmuedet.

Unseri Schniidere, d Brigitte, het d Goschdym-Idee vom Roger perfüggt umgesetzt. Wie richtigi «Inuit» simmer drhärkoo.

S Sujet 2003:
Ryffer, waiser und scho 20 Joor alt, aber d Faasnacht losst is immer nooni kalt!



Unsere Major dr Werni isch als knuddelige, flauschige Yysbäär im Spiil vorus gloffe. Au är het am Mändig under däm wysse Pelzli bsunders glidde!



Im Mull si «Pingu-Galge». Am erschte Halt hät är de Saich am liebschte ligge loo. Aber är het «bisse» ...



Unser multifunktionals (genials!)
«4 Theke-Iglu».





Am Zyschtig an dr Kinderfaasnacht
simmer mit em guete «25 Joor alte»
Pierrot unterwägs gsii.

Was het ägscht
d Claudia do entdeggt???



S Requisit,
d Iglu-Bar, im
gschlossene
Zuestand.



E dail vom Voordraab plus
Major bim Apéro.

S Husky-Gspann,
wo unsere
Hundeschlitte
zooge het.





Blaggedde und Zeedel
Uusgoob 2003.

D Larve isch e Hit gsii: Super
lycht und total praktisch.
Aifach Eskimokapuze dryber
und fertig.



Ryffer, waiser und scho 20 Joor alt,
aber d Faasnacht losst is immer nooni kalt.

Im Jubeljoor zelle mir 8 Männer und 8 Wyyber,
das sinn unseri aggtuelle Clique-Betrybber.

Au wenn mir dasjoor «mächtige» jubilere,
wichtig isch uns gsi ... mir wänn aifach nit friere.

Wie ailewyy! het me diväärsi Vorschleeg gschrib
und sich denn fir s Modäll «Eskimo» entschide.

Mir drotze dr Kälti, em Schnee und em ysaige Wind,
gniesse aifach d Faasnacht ... trotz Durchzug am Grind.

Dr «Alt Frang» deent unsauber, fascht scho e Schämmerli,
kai Wunder; wenn d Plyffer hänn aagfroeren! Glämmori.


Veränderige sinn nomaat, erscht rächt in 20 Joor;
nit nur positiv, au rauft me sich scho mänggmool d Hoor.

S isch froischtig kiel ... obwool s liggt jo gar kai Schnee
und trotzdem tschudderets is alli ... als wie mee.

Ainewääg wämmmer kreativ syy und e bitz ummespinne,
weil an dr Faasnacht kamme jo fascht numme gwinne.

Sujet, Cortège, Zeedel ... alles wie s muess syy,
in de näggschte Joor blybbe mir sicher no drby!

Si isch uns wigglig wichtig und git is au e Halt,
ebbe ... d Faasnacht losst is halt immer nooni kalt.

D Luftschrippoli  Faasnacht 2003

Am Mittwoch, hammer dr Claudia Annen no zem
40igste derfe gratuliere..





Am Mittwoch Zoobe isches denn
fyr aimol ganz speziell zue- und
hãrgange. Hejo, s Tschãmpions-
Liigg Mãtschli zwysche Basel und
Manchester isch uffem Programm
gstande . Zãmme mit
de Heumatrueche und
de Kãppelijoch-Waggis hãmmere
e super Stimmig kaa in de
Bürorümliggaite vo dr Siemens
an dr Heuwoog. 1:1 isches
ybrigens am Schluss gstande.



Styyl-Lãbe ...



Dr Eff-Cee-Bee Egge
vom Requisit.



Dr Bummel 2003 het d Claudia Annen organisiert. Und, wo isches aanegegange???

Hejo dert aane, wo si scho e ganzi wyyli in dr nöchi woont: uf Bärn.

Do hämmer e gänz e interessant, glierti Besichtigung gmacht: Dr Zytlogge-Turm.

D Uussicht vo zooberscht vom Turm.



Wunderbaar gässle losst sich au in dr Altstadt vo Bärn.


Vom 23. bis 25. August 2003
hämmer widder emol amme
Feschtli e Baiz bewirtschaftet.
Wie scho in dr Vergangeheit
hämmer aimol mee Raclette uf
dr Karte kaa. Tolls Wätter (nit
z heiss, aber schön) het uns
Gligg brocht; d.h. e huffe
Umsatz mit vyyle Gescht. Merci
allne, wo uns bsuecht hänn!



Dr Big-Boss und
«Oberlogistiker»,
dr Mull, bi dr
Buechhaltig.

S Service und alli
andere Hälfer sinn
gforderet gsii.

Eso Platz hets nie kaa! Das Bild isch am
Frytig-Nommidaag ufgnoo. Titel «d Rueh vor em Sturm»



E guete Gascht: dr Hofi.



Do aimol mee, zwei usgsuechti,
alti Abbildige us em Faasnachts-
buech vom Eugen A. Meier und
em Jubiläumsbuech 100 Joor
VKB.

E «Staubete» uf gnoo 1961



Cortége 1948 am Märtpplatz mit Bligg uf d Freie-Stroos.



Das mool kunnt e langjöörige Gönner vo uns z wort. Är macht zwar nit sälber Faasnacht isch aber mit Sicherheit e «aggtive Passive.»

Name	Thomi Aebi
Alter	42 (mängmol)
Zivilstand	glygglig ledig
Kinder???:.....:
Bruef	Allererschte Staatskassier by dr Finanzverwaltig Basel- Stadt

Wie würd e Wärbeslogan iber di lute?
Aimol, zweimol, allewyl Thooooooooom!

Was wyrdisch an dim Uusgsee ändere?
Ych wurd am liebschte 2 Meter gross syy, denn gsee ych d'Kätzli zerscht.

3 positivi Aigeschafte vo dir?
Dringgfescht, hungriig und?!?!

Was sinn dini Hobbys?
Marlies, Roger, Anke, Tobias, Stephan, Ruedi, Fix, René, Tommy B., Bäumi, Bettina Roberto, Franco C., Max, Rolf, Caroline.... ych glaub ych hör uff.

Was hesch welle wärde, wo de ebbe 10 gsi bisch?
Lokiführer by dr OeBB (Oensingebauschtu-Bahn).

Mit was hesch als Kind am liebschte gespiilt?
Mit mim Brueder ... aber är nit mit mir!

Hesch e Laschter? Und welles?
Laschter? Was isch das???

Was kritisiersch an dir sälber?
Ych ka laider zue sälte nai saage.

Was wär di Traum vom Abentüür?
Liebi uffeme Lüchtdurm und dusse en riiiiiiiese Sturm!

Was issisch, dringgsch am liebschte?
Broote mit Händöpfelstogg und gaaaaanz vyyyyyl Sosse und derzue none en gute Rote!

Was loosisch gärn fir Musig?
Alles was zum Mitgrööle isch.



Lääsisch grad e Buech, und um was goots?
Dr Gourmetführer.

Du dörftisch e neys Gsetz kreiere – welles wär das?
Frey-Bier für alli!!!!

Iber was fir Glaynigkaite kasch di ergere?
Wenn me nit haltet was me verspricht.

In was wärsch gärn e Superstar?
Im Lottospiele.

Welli 3 Sache würdsch uff e ainsaami Insle mitnääh?
Jever, e paar gräuchti Aal und vyyll «Jubi».

Wenn dr Arzt würd saage, du hesch nur no 24 Stund z lääbe, was machsch?
Mit mine liebschte Frynde nonemol e scheeni Wanderig mache wo sie nie vergässe wärde ...

E gueti Fee schänggt dir spontaan Fr. 25'000.- zum «verputze». Was machsch drmit?
Ich wurd alli mini liebschte Frynde als «Wanderbelohnig» uff Hamburg ylade!

Wo usser dr Schwyz, kennsch dr au no vorstelle z lääbe?
Nur z'Mallorca uffere Finca mit allem drumm und draa.

Liebi isch ...?
Wenn du krank dehaime lygsch und alli dini ängschte Frynde sorge und kümmere sich um dy.

3 spontaani Gedangge zer Faasnacht?
Schloffoosi Nächt, gueti Stimmig und grosszygigi Faasnachtsclique!

Scho mitbekoo?

S **Lotti** und dr **René (Bletzi) Müller** hänn e ganz e aigeartige Noochbr: Zmitzt in dr Nacht sinn si und anderi Noochbere letschthin durch komisch und luti Klopfgrysch ufgweggt worde. Nochtäm d Polizei het miesse koo het me feschtgstellt, dass e Bacheli us em dritte Stock si Woonigsdüür vo inne zuegnaglet het. Grund: Är het dr Husschlüssel verloore! Wenn das kei Grund gsii isch ...



OK., ich muss los, mein Frau ruft zum Essen!

Dr **Mull** het am 17. Juni si Knüüli (Miniskus) miesse operiere. Nochtämm bi dr Vooruntersuechige s EKG-Gräät nit durch dä massig Keerper koo isch, und d Röntge-Rööre vom Durchmässer nur ganz knapp glängt het, het sich dr Arzt yberlegt, ob die OP jetzt wie plaant in dr Birshof- oder in dr Zolli-Klinik duuregfiert wärde soll.



Das nächste Cabrio kaufen wir **ohne** Schweinslederbezüge!!



E Bsuechsdelegation am Daag vo dr Obberazzion in dr Birshofklinik.



Ticino-Grotto in Birsfælde, während dr letschte GV. Wenn me nüt seet, isches wägem Qualm vo Cigarre und Stümpfli! Föteli by MMS von Sändi.

Mir gratuliere rächt härzligg

Dr Mamme vom Werni. D **Luise Hauser** isch am 12. Mai 75ig worde.

Im **Mario Deola**. Är wird am 13. Juli 60 Jöörlig jung.

Em **Sevi Müller**. Das Blondschoöpfli isch am 20. Juni 10 worde.

Und am 28. Juli wird dr **Benno Kunz** 70ig.



Au doo, wämmer gratuliere:

Wär kennt dä Jüngling, wo im April 25 Joor «Sarasin» gfiert het??? S Föteli isch vo 1978!

Wichtig Termin:

23. Auguscht 2003:
Summernachtsfescht. D Yyloadig liggt byy!!

Faasnacht 2004: ab 1. März.

E spezielle Dangg an

D **Claudia Annen**. Sie het uns aaläslig vo ihrem 40igste Burtzeldaag am Faasnachtsmittwoch Zooobe s Ässe zaalt.

D **Fränzi**, an **Ruedi**, an **Pascal** und an **Mull**: Die vier hänn dr Fussball-Oobe vom Mittwuch organisiert.

S Mammi vo dr Sandra Tschudin, s **Vreni**. Si het uns e Batze in d Kasse gää.

E Vårs vom Obmaa

Dr Marco het uns an dr Jubel-GV mit folgendem Vårsli yberrascht:

Vor 20 Joor hänn 8 Unentwäggti, e Clique gschaffe ... nid e gschläggti.

Dr Naame Luftschnapperli hett me schnäll scho gfunde, und das Joor ... ebbe ... fyre mir e Runde.

16 jetzt 15 Stüggli zellt mitlerwyyle unsere feyne Kueche, guet ... villicht nid ganz so guet ... wie d Heumattrueche.

Aber jeedes Stüggli isch speziell ... das ka me saage, mit Stolzz draage mir dr glay Pierrot am Mantelkraage.

Ych mecht doo au niemer naamendligg erwäane, ych glaub mir löön das ... sunscht komme mir nur no d Drääne.

Mit eych Faasnacht z mache ... das isch mi Wält, und ych mechts wirkligg nimm misse ... fir gar kai Gäld.


Die ainte Pfyffe ... die andere baue ... mir sinn s ganz Joor draa, und hänn aigendligg au immer lessigi Süschéé kaa.

S gäbt joo lxx Episöödli, wo me doo kennt prezisiere, aber wie immer het dr Roger gsayt ... ych miessi pressiere.

Drumm kumm ych scho zem Schluss doo mit myne Gedangge, und mecht eych aifach fir alles ... ganz härzligg dangge.

Merci viiiiiimool!!!

Sött an däre Stell öbber vergässe gange sii, mecht sich dr Schriiberling bi däne Persoone entschuldige. Mängmool kemme halt nit alli Informatione ze sine Oore.

A young girl with brown hair in pigtails is smiling and singing into a black microphone. She is wearing a grey t-shirt and a colorful beaded necklace. The background is a solid red color.

Superstark!

www.oekk.ch

The logo for O'KK features a stylized sun with a blue and yellow striped arch above the letters 'O'KK in a bold, blue, sans-serif font.

O'KK

Öffentliche Krankenkassen
Schweiz

Jung und unkompliziert.